

## Лойиха-смета хужжатларини бажариш пудрат шартномаси

2022 йил «12» август

Андижон шаҳар

Бир томондан, ҳамда келгуси ўринларда «Буюртмачи» деб юритилади ва Низоми асосида фаолият кўрсатадиган «З.М.Бобур номидаги Андижон Халқаро Аэропорти» МЧЖ директор в.в.б Кенжаев С.А бир томондан, ҳамда келгуси ўринларда «Пудратчи» деб юритилади ва Низоми асосида фаолият кўрсатадиган «ТЕХНОПРОЕКТ» МЧЖ, унинг раҳбари З. Матазимов иккинчи томондан: Андижон вилояти Андижон шаҳрида жойлашган «З.М. Бобур» номидаги Андижон Халқаро Аэропорти ҳудудидаги аэровокзал биносининг иситиш қозонхонаси ва иситиш тизимларини капитал таъмирлаш буйича лойиха-смета хужжатларини бажариш бўйича пудрат шартномасини туздилар.

### 1. Шартноманинг мазмуни

Буюртмачи топширади, Пудратчи ўзига қуйидаги ишларни Андижон вилояти Андижон шаҳрида жойлашган «З.М. Бобур» номидаги Андижон Халқаро Аэропорти ҳудудидаги аэровокзал биносининг иситиш қозонхонаси ва иситиш тизимларини капитал таъмирлаш буйича лойиха-смета хужжатларини бажариш мажбуриятини бажаришга киришади.

1.2. Пудратчи кўрсатиб ўтилган ишларни «Корхона, бино ва иншоотлар қурилишига лойиха – смета хужжатларининг таркиби, ишлаб чиқиш тартиби ва тасдиқлаш» ҳақидаги ШНК1.03 01-03 қоида ва қўлланмалари ва масқур шартноманинг хужжатларига асосланиб бажаради ва тугаллайди.

1.3. Бажариладиган ишларга илмий, техник, иқтисодий ва бошқа талаблар ишларни бажариш учун техник топшириқларда бўлади ва мазкур шартноманинг ажралмас қисми ҳисобланади.

1.4. Ишларнинг алоҳида босқичларининг рўйхати ва бажариладиган муддати календар режа асосида аниқланади ва мазкур шартноманинг ажралмас қисми ҳисобланади.

1.5. Пудратчи буюртмачи томонидан ёзма руҳсатини қутмасдан қўшимча ички хўжалик шартномасини (Пудратчи томонидан бажарилмайдиган, лекин мазкур шартномани бажаришда керак бўлган махсус тадқиқот ишларига) тузишга ҳақлидир.

Қўшимча шартномаларни тузиш Пудратчининг зиммасига юклатилган мазкур шартноманинг шартларини бажариш жавобгарлигидан озод этмайди.

1.6. Хўжалик шартномасининг бажаришдан бош тортиш ва шартларини бир томонлама ўзгартиришга руҳсат этилмайди.

### 2. Томонларнинг мажбуриятлари

#### 2.1. Пудратчининг мажбуриятлари

Пудратчи буюртмачи томонидан берилган техник топшириқ ва бошқа бошланғич хужжатлар асосида ишларни бажариши лозим;

Буюртмачи билан бажариладиган ишларни (босқичлари) нинг натижаларини келишади;

Мазкур шартнома бўйича бажариладиган ишлар ҳақида буюртмачига ахборот жўнатади.

2.2. Пудратчи мазкур шартнома асосида бажарилган ишларни буюртмачининг руҳсатисиз учинчи шахсга беришга ҳақли эмас.

#### 2.3. Буюртмачининг мажбурияти:

Пудратчига мазкур шартномада кўзда тутилган шароитларда белгиланган нархни тўлаши керак.

- Пудратчига мазкур шартномада кўзда тутилган шароитларда иш ҳажмларини бажаришда таъсир кўрсатиш;

- Пудратчи билан бажарилган ишлар (босқичлар) нинг натижаларини келишиш;

- Шартнома бўйича бажарилган ишларни, уларнинг мазмунини Пудратчининг розилигисиз учинчи шахсга бермаслик;

- Пудратчи томонидан бажарилаётган ишлар ва кўрсатилаётган хизматларнинг сифатини қузатиб бориш;



### 3. Шартнома бўйича ишларнинг нархи

3.1. Бажариладиган ишларнинг умумий қиймати **29923000 (йигирма туккиз миллион туккиз юз йигирма уч минг) сўми ҚҚС сиз ташкил этади.**

3.2. Буюртмачи Пудратчининг ҳисоб рақамига мазкур шартномада курсатилган суммани олдиндан аванс **30 % яъни 8 976 900 (саккиз миллион туккиз юз етмиш олти минг туккиз юз) сўми, лойиха смета хужжатларини ҳисоб-фактура орқали қабул қилган кундан кейин 70% яъни 20946100 (йигирма миллион туккиз юз қирк олти минг бир юз ) сўми** Пудратчининг ҳисоб рақамига пул утқиши йули билан амалга оширади.

3.3. Мазкур шартнома бўйича Пудратчи томонидан амалга ошириладиган смета хужжатлари нархи ва муддати узил – кесил ҳисобланади ва қайта кўриб чиқилмайди.

### 4. Ишларни топшириш ва қабул қилиш тартиби

4.1. Пудратчи ишларни бажариб бўлгач, Буюртмачига топшириш – қабул қилиш далолатномаси билан биргаликда илова қилиб 2 та нусхада хужжатлар тупламини тақдим этади.

4.2. Буюртмачи топшириш – қабул қилиш далолатномасини ва лойиха-смета хужжатларини 30 кун мобайнида қабул қилиш мажбуриятини олади ва пудратчига имзоланган, ёки асосли эътироз билдирилган топшириш – қабул қилиш далолатномасини жўнатади. Топшириш – қабул қилиш далолатномаси буюртмачи томонидан имзоланмаса, бажарилган ишларни, хизматларни қабул қилишда асосли эътироз билдирилмаган ҳолларда пудратчи юқорида кўрсатилган муддатда банкка бир томонлама бажарган-ишлари эвазига ҳақ тўлаш учун талаб қўйишга ҳақли.

4.3. Бажарилган ишларни топшириш – қабул қилиш давомида буюртмачининг асосли эътирози бўлса, камчиликларнинг рўйхати ва уларни бартараф этишнинг аниқ муддатини белгилловчи икки томонлама далолатнома тузилади.

4.4. Агар ишларни бажариш жараёнида кейинчалик уни давом эттириш мақсадга мувофиқ эмаслиги маълум бўлиб қолса, томонлар 5 кун мобайнида бир – бирларини ишлар тўхтатилганлиги ҳақида хабардор қилишлари шарт ва 10 кун мобайнида ишларни давом эттириш учун мақсадга мувофиқ бўлган йўналишларини ойдинлаштирувчи масалаларни кўриб чиқишлари керак. Ишлар тўхтатилган ҳолларда томонлар учун Ўзбекистон Республикаси қонунчилигида белгиланган мажбуриятлар юкланади.

4.5. Ўзаро ҳисоб – китоблар қилишнинг муддати келганлиги томонларнинг бири мазкур шартномадаги ишларни тўхтатиш ҳақидаги ёзма хабарнома берган санадан ҳисобланади.

### 5. Томонларнинг жавобгарлиги

5.1. Буюртмачи ўз вақтида олдин тўланиши лозим бўлган тўловларни тўламаган ҳолларда, ишларни якунлаш муддати тўлов кечиктирилган муддатга узайтирилади.

5.2. Буюртмачи шартномавий молиялаштириш лозим даражада бажармай уз вақтида туловни амалга оширмаганлиги учун тулов кечиктирилган ҳар бир кунга 0,4% микдорда, аммо кечиктирилган сумманинг 50% ортиқ булмаган микдорда пеня тулайди.

5.3. Пудратчи шартномада курсатилган мажбуриятини уз вақтида, сифатли бажармаса, буюртмачига бажарилмаган иш ҳажмининг 0,4 % ҳисобида, аммо 50% ортиқ булмаган микдорда пеня тулайди.

5.4. Бажарилган ишлар(босқичлар)да камчилик ва нуқсонлар пайдо бўлганда пудратчи уларни бегараз бартараф этиши керак.

5.5. Агар содир бўлишига томонларнинг ҳеч бири жавоб бермайдиган (форс – мажор) ҳоллар юзага келса томонлар ўз ҳаракатларида Ўзбекистон Республикаси қонунчилик меъёрларига суянадилар.

5.6. Шартномани ижро этмаганлиги ёки етарли даражада бажармаганлиги учун, жавобгарлик агар шартномада ўзгача кўзда тутилмаган бўлса Ўзбекистон Республикаси «Хўжалик юритувчи субъектлар фаолиятининг шартномавий – ҳуқуқий базаси тўғрисида» ги қонуннинг 25 – 32 – моддаларига асосан жавобгарлик чоралари қўлланилади.

5.7. Агар пудратчи лойиха-смета хужжатларини белгиланган талаб доирасида бажармаса, лойиха-смета хужжатларида камчилик ва нуқсонлар аниқланган тақдирда Пудратчи Буюртмачига етказилган зарарни тулайди. Пудратчи ишлар сифатли, шартнома шартларига мос қилинишига жавоб беради.



## 6. Бартараф этилиб бўлмайдиган куч холати (форс - мажор)

6.1. Агар томонлар мажбуриятларининг қисман ёки тўла ижро этилмай қолиши табиий ҳодисалар, ҳарбий ҳаракатлар ва бошқа бартараф этилиб бўлмайдиган бошқа кучлар сабабли содир бўлган бўлса, ҳамда бу ҳолат мазкур шартнома ижросига бевосита таъсир кўрсатган бўлса, томонлар мазкур шартнома бўйича мажбуриятларининг қисман ёки тўла ижро этилмай қолгани учун жавобгарликдан озод бўладилар. Мазкур шартнома бўйича мажбуриятларнинг ижро муддати бартараф этиб бўлмайдиган вазият, шунингдек шу вазият келтириб чиқарган оқибат ҳукм сурган вақтга мос равишда орқага сурилади.

6.2. Агар бартараф этилиб бўлмайдиган куч вазияти ёки унинг оқибатлари 3 ойдан ортиқ вақтга чўзиладиган бўлса, Пудратчи ва Буюртмачи лойиҳа ишларини давом эттириш ёки номаълум вақтга тўхтатиш учун чора тadbирлар кўришни муҳокама қиладилар.

Агар томонлар 1 ой мобайнида бир тўхтамга кела олмасалар, томонларнинг ҳар қайсиси шартномани бекор қилинишини талаб қилишга ҳақлидир.

6.3. Буюртмачи тўлов шартларини ўз вақтида бажармаслиги Пудратчи учун «форс – мажор» ҳолатига тенг ҳисобланади.

## 7. Қўшимча шартлар

7.1. Буюртмачи 1.1.-бандда кўрсатилган объектдан ташқари, Пудратчи томонидан тақдим этилган бажарилган иш натижаларидан фойдаланишга ҳақли эмас, Пудратчи эса олинган иш натижаларидан ўзининг манфаатлари учун фойдаланиш ҳуқуқига эга.

7.2. Мазкур шартномада кўзда тутилмаган томонларнинг ўзаро муносабатлари Ўзбекистон Республикасининг «Хўжалик юритувчи субъектлар фаолиятининг шартномавий ҳуқуқий базаси тўғрисида» ги қонунига, ҳамда Ўзбекистон Республикаси фуқаролик кодексига асосан белгиланади.

7.3. Томонлар узларининг юридик ва банк реквизитлари узгарган тақдирда, бир-бирларини 3 банк қуни ичида хабардор қилишлари шарт.

## 8. Шартноманинг амал қилиш муддати ва шартлари

8.1. Мазкур шартнома томонлар имзо чеккандан кейин кучга қиради ва унинг шартлари тўлиқ бажариб бўлгунча ҳақиқий ҳисобланади.

8.2. Мазкур шартноманинг амал қилиш муддати тугашига қарамай, томонлар шартларни бузганликлари жавобгарлигидан озод этмайди.

8.3. Мазкур шартнома 2 нусхада тайёрланади ва бир нусхадан буюртмачига, пудратчига берилади.

8.4. Шартнома амал қилиш муддати -31.12.2022 йил.

## 9. Бахсларни ҳал этиш тартиби

9.1. Шартномани тузиш, ижро этиш, ўзгартириш ва бекор қилиш, шунингдек келтирилган зарарни қоплаш чоғида томонлар ўртасида вужудга келадиган бахслар қонунчиликда белгиланган тартибда Андижон туманлараро Иқтисодий суди томонидан кўриб чиқилади.

## 10. Томонларнинг реквизитлари

Пудратчи:

«TECHNOPROEKT» МЧЖ  
Андижон шаҳар, А. Фитрат, 230  
ЧЭКИ«Hamkorbank» АТБ  
Нодирабегим филиали  
x\p: 20208000605105400001  
МФО: 00079 ИНН: 306596100  
Тел: (91)499-23-23; (90) 624-75-28

Раҳбар:

Матазимов З.

Буюртмачи:

«З.М.Бобур номидаги Андижон халқаро  
аэропорт» МЧЖ  
Андижон шаҳар, Янги-айланма - 1  
АЖ ТИФ «Миллий Банк»  
Андижон филиали  
x\p: 20210000900338242001  
МФО: 00074 ИНН: 200 241 011  
Тел.: (74) 228-48-46

Раҳбар:

Кенжаев С.А.

М.ў.